

T. Cherleri. *Linn. Sp. Pl.* 1081. *Willden. Sp. Pl. v. 3.* 1362. *DeCand. Prodr. v. 2.* 196.
T. globosum repens. *Tourn. Inst.* 405.

In Archipelagi, necnon in Peloponnesi et Bosphori, littoribus maritimis. ☉.

Caules procumbentes v. erecti, pilis longis nitidis villosissimi, 2—3 uncias longi, vix majores.

Foliola obovata, v. obcordata, sericea, apice parè denticulata, maculà atro-fuscà triangulari notata. *Stipulae* ovatae, aristatae, cum petiolo hispido-villosae. *Capitula* parva, solitaria, in sinu folii ultimi sessilia, bracteis 2, 3, v. 4, subrotundis dilatatis villosis involucrata, villosissima. *Calyces* plumosi; *dentibus* 5, subulatis, corollà longioribus. *Corolla* monopetala, rosea; *vexillo* lineari, acuto; *alis* parvis, linearibus, patentibus, carinà longioribus.

In exemplaribus herbarii Sibthorpiani calyx invenitur corollà longior, nec, ut in icone Baueri, brevior. Talem etiam notavi in plantulis exsiccatis e Sicilia et Gallia meridionali.

a. Calyx et corolla.

A. Idem, aucti.

b. Bractea involucentes

TABULA 746.

TRIFOLIUM LAPPACEUM.

TRIFOLIUM caulibus ascendentibus ramosis, foliis obovatis subtilitèr denticulatis, stipulis angustissimis aristatis pilosis, spicis subglobosis terminalibus solitariis, calycis laciniis aristatis corollae aequalibus demùm calvis rigescentibus, seminibus subrotundis spadicis.

T. lappaceum. *Linn. Sp. Pl.* 1082. *Willden. Sp. Pl. v. 3.* 1364. *DeCand. Prodr. v. 2.* 191.
T. globosum, sive capitulo lagopi rotundiore. *Tourn. Inst.* 405.

In insulâ Cypro, ad campos. ☉.

Radix annua, perpendicularis, parùm ramosa. *Caules* ascendentes, palmares ad pedales, glaberrimi, ramosi, filiformes. *Foliola* internodiis breviora, pubescentia; *petiolo* pilis patentissimis obsito; *foliis* obovatis v. rariùs obcordatis, pubescentibus, subtilitèr denticulatis, immaculatis. *Stipulae* angustissimae, membranaceae, glabrae, apice herbaceae patentium pilosae. *Flores* parvi, in capitulis subglobosis, post anthesin lappaceis, pedunculatis v. subsessilibus congesti. *Calyx* sub anthesin pilosusculus; *tubo* striato; *laciniis* stipularum more aristatis, herbaceis, corollà longioribus. *Corolla* monopetala. *Vexillum* lineare, acutum, roseum; *alae* albæ, subparallelae, carinà longiores. *Legumen* calyce indurato, glabro, lappaceo inclusum. *Semen* subrotundum, spadicum, glabrum.

a. Flos integer.

A. Idem, auctus.

b, b. Calyx.

c. Legumen.

d. Semen.

D. Idem, auctum.